

p.86 line -3【真身】即諸佛之法身、報身之謂。智者《觀無量壽佛經疏》：「第九觀佛真法身。」知禮《妙宗鈔》卷5：「真法身者。前觀寶像則似佛身。今對彼似故名為真。然此色相是實報身。應同居土。亦名尊特。亦名勝應。而特名法身者。為成行人圓妙觀也。」(T37,p.221,c9-12)善導《疏》：西方安樂阿彌陀佛是報佛、報土。為是新發意菩薩故·分別生滅者如化·不生不滅者不如化。今既以斯聖教·驗知彌陀定是報也。縱使後入涅槃·其義無妨。

p.85 line -2【百千萬億夜摩天閻浮檀金色】元照《觀無量壽佛經義疏》卷3：「百千萬億夜摩天。喻其大也。閻浮金。言其自體也。」(T37,p.296,c7-8)戒度《觀經義疏正觀記》卷3：「經文如夜摩天。即身也。閻浮檀金。即色也。喻其大者。夜摩即欲界第三空居天。一天已是廣大。況百千萬億。此乃通取爾許天宮橫廣之量。以喻佛身也(或約天身長短為喻者。非)。」(X22,p.409,c10-13)【夜摩天】欲界六天之第三天，位於空居天之最初層，即距閻浮提十六萬由旬，距忉利天八萬由旬之上層虛空中。據《正法念處經》卷三十六、《立世阿毘曇論》卷六、《佛地經論》卷五、《慧苑音義》卷上等所載，此天界光明赫奕，無晝夜之分，居於其中，時時刻刻受不可思議之歡樂。另據《彰所知論》卷上載，三十三天常與阿修羅諍鬥，夜摩天卻遠離諍鬥，故稱離諍天。得生此天之眾生，乃於不殺生、不偷盜、不邪淫等樂修多作，又自能持戒，教他持戒，修持自他利益者。~《佛光大辭典》

p.85 line -2【那由他】印度之數量單位。音譯又作那由多、那庾多、那述、那術。義譯作兆(10^{12})、溝(10^{32})。《俱舍論》卷十二(T29,p.63,b)：「如彼經言，有一無餘數始為一，十一為十，十十為百，十百為千，十千為萬，十萬為洛叉，十洛叉為度洛叉，十度洛叉為俱胝，十俱胝為末陀，十末陀為阿庾多，十阿庾多為大阿庾多，十大阿庾多為那庾多。」此中，那由多當為千億(10^{11})。新譯《華嚴經》卷四十五、《方廣大莊嚴經》卷四〈現藝品〉等所說同此。然《毗婆沙論》：「一至百千名洛叉，至百百千名俱胝，百千俱胝名俱胝俱胝，百千俱胝俱胝名阿哲哲俱胝，百千阿哲哲俱胝名阿吒吒俱胝，百千阿吒吒俱胝名阿庾多，百千阿庾多名阿庾多分，百千阿庾多分名那庾多。」(10^{37})《玄應音義》卷三則以之為十萬(10^5)，《慧苑音義》卷下以之為一億(10^8)，而《佛本行集經》復有千億(10^{11})與萬億二說。此外，印度通行的數法，係

以阿由多為一萬、那由多為百萬 (10^6)。~ 《中華佛教百科全書》「黃帝為法。數有十等。及其用也。乃有三焉。十等者。億、兆、京、垓、秭、壤、溝、澗、正、載。三等者。謂上中下也。其下數者。十十變之。若言十萬曰億。十億曰兆。十兆曰京也。中數者。萬萬變之。若言萬萬曰億。萬萬億曰兆。萬萬兆曰京也。上數者。數窮則變。若言萬萬曰億。億億曰兆。兆兆曰京也。」~ 《古今圖書集成》

p.85 line -1【眉間白毫】又作毫相、白毛相、眉間白毫軟白兜羅綿相。為如來三十二相之一。世尊在兩眉之間有柔軟細澤之白毫，引之則長一尋（或謂初生時長五尺，經八歲童子、納妃、出家、苦行、降魔，成道時長一丈五尺，有十楞），放之則右旋宛轉，猶如旋螺，鮮白光淨，一似真珠，如日之正中，能放光明，稱為白毫光。眾生若遇其光，可消除業障、身心安樂。據《無上依經》卷下之說，此妙相係佛於因位時，見善眾生修習戒、定、慧三學，而稱揚讚歎之，遂感得此相，表示除卻百億那由他恆河沙劫生死罪之德。又《觀佛三昧海經》卷一、卷二觀相品謂，如來有無量之相好，然以此相為諸相中之最殊勝者。~ 《佛光大辭典》

p.85 line -1【須彌山】據《長阿含經》卷十八閻浮提洲品記載，須彌山高出水面八萬四千由旬，水面之下亦深達八萬四千由旬。據《立世阿毘曇論》卷二數量品記載，以須彌山為中心，外圍有八大山、八大海順次環繞，整個世界之形相團圓，有如銅燭盤。須彌山周遭為須彌海所環繞，高為八萬由旬，深入水面下八萬由旬，基底呈四方形，周圍有三十二萬由旬。~ 《佛光大辭典》

p.85 line -1【四大海】指須彌山四周之大海。於古代印度之世界觀中，須彌山位於世界之中間，其周圍有四大海，四大海中各有一大洲，四大海外則為鐵圍山。據《觀無量壽經義疏》卷末載，一大海縱廣為八萬四千由旬，合四倍之大海則為三十三萬六千由旬，而阿彌陀佛之眼量猶超過之，故稱四大海，非指四種不同之大海。~ 《佛光大辭典》元照《觀無量壽佛經義疏》卷 3：「一大海八萬四千由旬。四大海共三十三萬六千由旬。」(T37,p.296,c21-22)

p.87 line 2【眼相大小】《傳通記》：「問：毫相眼量何小佛身？答：佛身毫眼說其數量。皆顯應大。只是分喻。何強拒難。靈芝云。佛身無量。機見有殊。

文中所舉。假以數量顯非數量。欲彰佛身不可定故。...正觀記云。世人多謂眼量太窄。不稱身量者。其義如何？當知經中以山喻毫、以海比眼。乃是趣舉分喻。所謂以數顯非數爾。不必執喻責其大小也。...聖境自在。更無一準。何定量乎？故經雖似說其數量。但標大猷。未必寸尺。他師會通。以情定量。頗難依用。」~本會版 p.694-95 淨影《觀無量壽經義疏》卷 1：「准此白毫及眼大小以度其身。身量太長。准身度其白毫及眼。其量太小。是事云何？凡世人身五尺者。一寸之眼。身於其眼。不過長短五六十倍。佛亦應然。無量壽佛眼如四大海。一海縱廣八萬由旬。四海合有三十三萬六千由旬。身過其眼五六十倍。縱令極多無出百倍。何緣佛身得六十萬億那由他恒河沙由旬？准眼定身。正長六十萬億那由他由旬。言恒河沙者。或傳譯者謬而置之。若身實長六十萬億那由他由旬。白毫及眼便是極小。當亦是其傳者謬矣。」(T37,p.180,b22-c4) (天台亦同)

p.87 line 2【圓光】放自佛菩薩頂上之圓輪光明。參考本書 p.88:-1

p.87 line 2【圓光大小】經：「百億世界」。《傳通記》：「問：佛號無量光。圓光何百億？答：圓光雖有分量。其外有無量光。譬如日月暈有分量。而其光明照四天下。況圓光中具有無量化佛菩薩。是其別耳。」「八萬四千光明是常光。若無量光是神通光。」~本會版 p.695-96 元照《阿彌陀經義疏》卷 1：「當知我輩處佛光中，都不覺知，佛光常攝，略無厭棄，猶如盲人居日輪下，又如溷蟲樂在穢處，撫膺自責，實可悲痛！」(T37,p.361,a10-13)元照《觀經義疏》卷 3：「問：不念佛人。佛光攝否？答：念與不念。光無不攝。但念佛者與光相應。攝取往生。定無退墮。智論云：譬如魚子。母若不念。子則爛壞。楞嚴所謂：佛念眾生。如母憶子。但子於母。有憶不憶耳。又如盲人在日輪下。日無不照。盲者不見。不念佛人。亦復如是。」(T37,p.297,a7-12)

p.87 line 6【攝取】《傳通記》：「問：攝取何義？答：護念不捨是名攝取。觀念法門云。攝護不捨。禮讚云。攝護行者。天台云。念佛眾生攝取不捨者。若為佛慈悲所護。終得離苦。永得安樂。」~本會版 p.698《觀經疏妙宗鈔》卷 4：「【疏】念佛眾生攝取不捨者。若為佛慈悲所護。終得離苦。永得安樂。釋論云：譬如魚子。母若不念。子則爛壞。眾生亦爾。佛若不念。善根則壞。【鈔】雖與無緣慈體不別。若約義辯。為門不同。是故此慈。念佛眾生攝取不捨。終令離苦。永得安樂。此從感應生佛相關。順於俗諦。名生緣慈。故舉魚母念子不失。喻此慈相也。」(X22,p.314,b22-c4)

p.87 line 7【三緣】《傳通記》：「親緣是彼此心同。今近緣則一處來現。信知十萬億剎徑路雖遠。彼此心同。名之親緣。千返影向。攝護無倦。不離行者。名之近緣。問：言近緣者。佛在目前。念佛行者未必見佛。何具近緣？答：佛來機前以為本意。但隨機宜見不見異。今舉見機以釋近緣。設雖不見而佛必來。若約冥邊。不見猶近。……增上緣者。念佛滅罪。故臨命終見聖時。佛為增上緣。不為邪業之所障礙。必遂往生。名增上緣。問：增上緣中聖眾來迎。與上近緣見佛何別？答：近緣見佛則是平生。此中來迎乃是臨終。故不混亂。」～本會版 p.701-02

p.87 line -5【增上緣】【五種增上緣】，出自善導《觀念阿彌陀佛相海三昧功德法門》卷1，又作五增上緣、五緣。以佛為增上緣，念佛者所受之利益共有五種，即：(一)滅罪增上緣，又作現生滅罪增上緣。以阿彌陀佛為增上緣，消除一切之業障。(二)護念得長命增上緣，又作護念增上緣、現生護念增上緣。即受阿彌陀佛、觀音菩薩、勢至菩薩之祐護。(三)見佛增上緣，又作見佛三昧增上緣。以彌陀之三念願力而得以見佛。(如般舟三昧經說云。一者以大誓願力加念故得見佛。二者以三昧定力加念故得見佛。三者以本功德力加念故得見佛。)(四)攝生增上緣，眾生藉彌陀之願力，而得以往生。(五)證生增上緣，保證佛滅後之凡夫，乘佛願力，來世一定往生。其中，前三者為現益，後二者則屬當益。～《佛光大辭典》

p.88 line 1【難為周悉】《經》：不可具說。超過九法界眾生心量所及，《華嚴》所謂「無比不思議境界」，〈如來相海品〉、〈隨好光明品〉：毗盧遮那如來有如是等十蓮華藏世界海微塵數大人相。《華嚴通關》卷1：「此身量化佛相好光明。非取相分別觀想思惟之所能及。與華嚴十蓮華藏微塵數相海全同矣。善導至釋此觀。以念佛眾生文。約稱名念佛。明有親緣、近緣、增上緣。次引證無量壽經、阿彌陀經。而不委及無邊相海。斯乃急流水中。悲心徹底。專在凡下。不俟結勸流通之文。」(B32,p.512,c3-8)

p.88 line 2【令心眼見】《傳通記》：「雖未證目前者。未證正受也。言目前者。用正受見。以譬目前眼見分明也。但當憶想等者。觀想成就。心眼得開。明見彼佛也。」～本會版 p.708

p.88 line 4【因觀得見十方諸佛】懷感《釋淨土群疑論》卷6：「問曰：如觀經第九觀中。本欲觀阿彌陀佛身相光明。計作觀成。只合觀見阿彌陀佛。何因見阿彌陀佛。乃更得見十方諸佛耶？釋曰：此有三義得見十方諸佛：一由諸佛功德悉皆同等。皆有自利利他化益平等。故觀一佛即見十方諸佛。故文殊般若說一行三昧云。能於一佛念念相續。即是念中能見過去未來現在諸佛。何以故？念一佛功德無量無邊。亦與無量諸佛功德無二。不思議佛法等無分別。皆乘一如成最正覺。悉具無量功德辯才。二釋。以見一佛得念佛三昧除障滅罪故。能通見十方佛也。三釋。阿彌陀佛光明遍照十方世界。因光得見十方佛也。般舟三昧經說。跋陀和菩薩請釋迦牟尼佛言。未來眾生云何得見十方諸佛。佛教令念阿彌陀佛。即見十方一切諸佛。以此佛特與娑婆眾生有緣。先於此佛專心稱念。三昧易成。除障滅罪。光明遍照見十方佛也。」(T47,p.66,c1-18)

p.88 line 5【見佛身即見佛心】《觀無量壽佛經疏妙宗鈔》卷4：「【疏】眼見佛身。即見佛心。身由心起。故見身即見心。由見身心想轉明。故得見佛心。【鈔】疏有二釋：初約如來由大悲心起勝應身。故令行者觀身見心。由見身下。二約行者觀想明故得見佛心。所以明者。由觀佛身。是故二意皆是由色而見於心。以心無形。由色表故。以圓人所觀。色心不二。既見微妙色。豈隔大悲心。故勝鬘云：如來色無盡。智慧亦復然。既三種慈，體是三諦。今三觀明。故三慈顯。以用果法為觀行故。故於位位見佛色心。」(X22,p.313,c5-14)《傳通記》：「問：見佛心者。唯佛與佛乃能見之。等覺十地非己境界。何況凡夫？答：若約如來自證義邊。因位皆闍。若約化他方便義邊。因位尚知。謂見佛身上。自烏瑟下至千輪。莫不大悲攝眾生形。故見佛時慈顯色相。名知佛心。」~本會版 p.710

p.88 line 5【平等大慈】《大智度論》卷27〈1 序品〉：「小慈，但心念與眾生樂，實無樂事；小悲，名觀眾生種種身苦心苦，憐愍而已，不能令脫。大慈者，念令眾生得樂，亦與樂事；大悲，憐愍眾生苦，亦能令脫苦。復次，凡夫人、聲聞、辟支佛、菩薩慈悲，名為小，諸佛慈悲乃名為大。...是大慈遍滿十方三世眾生，乃至蜚虫，慈徹骨髓，心不捨離。若三千大千世界眾生墮三惡道，若人一一皆代受其苦，得脫苦已，以五所欲樂、禪定樂、世間最上樂，自恣與之，皆令滿足；比佛慈悲，千萬分中不及一分。何以故？世間樂欺誑不實，不離生死故。...慈悲是佛道之根本。所以者何？菩薩見眾生老病死苦、身苦心

苦、今世後世苦等諸苦所惱，生大慈、悲，救如是苦，然後發心求阿耨多羅三藐三菩提。亦以大慈悲力故，於無量阿僧祇世生死中，心不厭沒；以大慈悲力故，久應得涅槃而不取證。以是故，一切諸佛法中，慈悲為大；若無大慈大悲，便早入涅槃。」(T25,p.256,b27-c23)

p.88 line 5【無緣慈】《大智度論》卷 20〈1 序品〉：「無緣者，是慈但諸佛有。何以故？諸佛心不住有為、無為性中，不依止過去世，未來、現在世，知諸緣不實，顛倒虛誑故，心無所緣。佛以眾生不知是諸法實相，往來五道，心著諸法，分別取捨；以是諸法實相智慧，令眾生得之，是名「無緣」。」(T25,p.209,c6-12)戒度《觀經義疏正觀記》卷 3：「實不起心緣他眾生。而諸眾生與我慈體無二無別。任運相關。故云無心攀緣。自然現益。如涅槃經。凡說八事。一伏醉象。二降力士。三化盧至。四度女人。五塗割瘡。六摩調達。七救羣賊。八醫釋女。一一結云。慈善根力見如是事。」(X22,p.410,b22-24)「經云。波羅奈城有優婆夷。名摩訶斯那達多。夏九十日。請僧施藥。有一比丘身嬰重病。良醫診之。當須肉藥。是優婆夷尋自取刀。割其股肉。切以為羹。施病比丘服已。病差。女人瘡苦。發聲稱佛。我在舍衛。聞其音聲。於是女人起大悲心。是女尋見我持良藥。塗其瘡上。還復如本。」(X22,p.410,c3-8)《大般涅槃經》卷 16〈8 梵行品〉：「我於爾時。實不往至波羅捺城。持藥塗是優婆夷瘡。善男子。當知皆是慈善根力。令彼女人見如是事。」(T12,p.458,b9-12)

p.88 line 6【無生忍、得生彼益】經：「生諸佛前，得無生忍。」見十方一切諸佛，亦得隨願通生諸佛國，故言「生諸佛前」。彌陀本願云：於一念頃，徧至十方世界供養諸佛；等同生諸佛前。經文下云本經題名：「淨除業障，生諸佛前」(p.130)，故知業障除後，隨願往生。又，諸佛體同，一即一切，一切即一，故生阿彌陀佛國即是生諸佛國。「無生忍」：又作『無生法忍』。謂了達諸法本來無生，亦無有滅，諦審忍可，而妄念不起也。~《三藏法數》安住於無生無滅之理而不動也。《智度論》五十曰：「無生忍法者，於無生滅諸法實相中。信受通達無礙不退，是名無生忍。」《大乘義章》十二曰：「理寂不起，

稱曰無生。慧安此理，名無生忍。」「如龍樹說，初地已上亦得無生。若依仁王及與地經，無生在七八九地。」天台觀經疏曰：「無生忍是初地、初住。」
 ~《佛學大辭典》《無量壽經會集本》〈菩提道場第十五〉：「若有眾生，□菩提樹，聞聲、嗅香、嘗其果味、觸其光影、念樹功德，皆得六根清徹，無諸惱患。住不退轉，至成佛道。復由見彼樹故，獲三種忍：一音響忍。二柔順忍。三者無生法忍。」《觀經》上上品：一往生，聞法即悟無生法忍；上中品：一小劫；上下品：3小劫；下上品：10小劫。（以初地無生忍解釋。）

p.88 line 8【唯觀白毫】《佛說觀佛三昧海經》卷2〈3觀相品〉：「佛告父王：如來有無量相好。一一相中。八萬四千諸小相好。如是相好。不及白毫少分功德。是故今日。為於來世諸惡眾生。說白毫相大慧光明消惡觀法。...如是種種百千億種。觀諸光明微妙境界。不可悉說。念白毫時。自然當生。」(T15,p.655,b25-c4)又《佛說觀佛三昧海經》卷9〈9觀像品〉：「作是觀(像觀)者。除却六十億劫生死之罪。亦名見佛。於未來世心想利故。值遇賢劫千佛世尊。為其和上。於佛法中次第出家。一一佛所。見佛身相。了了分明。聞佛說法。憶持不忘。於星宿劫光明佛所。現前受記。麤心觀像尚得如是無量功德。況復繫念觀佛眉間白毫相光。」(T15,p.691,b21-27)《觀無量壽佛經疏妙宗鈔》卷5：「相有八萬。都想難成。故令但觀眉間毫相如五須彌。此觀若成。八萬皆現。此為要門也。」(T37,p.223,a24-26)遵式《往生淨土懺願儀》卷1：「直想阿彌陀佛。丈六金軀坐於華上。專繫眉間白毫一相。其毫長一丈五尺。周圍五寸。外有八稜。其毫中空。右旋宛轉。在眉中間。瑩淨明徹不可具說。顯映金顏。分齊分明。作此想時。停心注想。堅固勿移。」(T47,p.494,b27-c3)

p.88 line -6【見彌陀即見十方佛】如《文殊師利所說摩訶般若波羅蜜經》卷2：「善男子、善女人，欲入一行三昧，應處空閑，捨諸亂意，不取相貌，繫心一佛，專稱名字。隨佛方所，端身正向，能於一佛念念相續，即是念中，能見過去、未來、現在諸佛。何以故？念一佛功德無量無邊，亦與無量諸佛功德無二，不思議佛法等無分別，皆乘一如，成最正覺，悉具無量功德、無量辯才。如是

入一行三昧者，盡知恒沙諸佛、法界，無差別相。」(T08,p.731,b1-9)戒度《觀經義疏正觀記》卷3：「一佛多佛中。一多相即。體無二故。」(X22,p.411,a15-16)

p.88 line -6【定中得蒙授記】經：「諸佛現前授記。」據《菩提資糧論》、《首楞嚴三昧經》，菩薩成熟出世善根，得無生忍、不動地，即時蒙佛現前授記。《楊仁山居士遺書》卷9：「此經專為具縛凡夫現世得證無生法忍而說。的是至圓至頓、無上法門。從初觀入手。修至第九觀。即蒙諸佛現前授記。豈可以情量測度也哉。」(B28,p.523,a5-7)

p.88 line -5【是為徧觀】經：「是為徧觀一切色身相，名第九觀。」元照《觀無量壽佛經義疏》卷3：「自昔科為真法身觀。今準下結云。是為徧觀一切色身相。名第九觀。必應指彼彌陀果佛色相即法身耳。」(T37,p.296,b27-29)「一切之言。或總指所見諸佛或別在彌陀諸相。」(T37,p.297,b23-24)

p.88 line -4【震響隨機】《傳通記》：「今經雖無說法之文。而準大經加釋之也。謂大經云。梵聲猶雷震。八音暢妙響也。」~本會版 p.715